

哀挽二

仁和張穎仲性孤介詩宗漁洋書臨漢隸卒年六

十八丁松生先生挽以聯云

君其仙乎一瓊寒泉薦秋鞠 我所思兮

二分明月在揚州

錢塘丁松生先生歿後俞曲園先生為作家傳最

君一生之事大端有二一曰存文獻二曰籌教

養先生於亂後蒐輯文瀾遺書功最多為左文

襄所知嘗至普陀禮觀世音聚千僧誦佛號以

明處士崔青蚓所畫應真十五尊施惠濟寺冀

銷劫蓮生平著述甚富復盡力於慈善事業張

濬萬挽聯云

馬所結鄰八千卷古香時貺我 虎林訪

古今聯語彙選二集 哀挽二

舊二十年老友更無人

又汪曾學聯

是兵燹後吾鄉不可少之人 卽坊巷志

將來亦必傳之作

又陸有壬聯

哭君不成一語 勞人自有千秋

又應德明等聯

惟古君子有肝膽性情婦孺皆知生佛萬

家公不死 與先大夫為媿亞冑弟春秋

之季思親九日我同悲

又羅渠聯

士林所宗曰古遺直 立地成佛是大善

人

又俞曲園先生聯

插架八萬卷鈔補文淵閣全書採輯武林
城故事 論交四十年共定玉蕊花小譜
分栽娑羅樹靈根

俞曲園先生在京師乞假南旋寄居沈菁士太守

家太守罷官歸主講話經精舍旋辭去俞續主

講席凡三年太守歿先生挽聯云

京國整歸裝幾日從君商出處 湖樓開

講席三年讓我養疏頑

許仁山閣學為俞曲園先生甲辰同年在翰林

則為前輩其子奉樞自京師歸先生挽之云

傷心丁卯橋邊蔓萼歸來從此過 屈指

甲辰榜上文章遭際似君稀

王蔭齋觀察名曾樾與俞曲園先生名字皆相

合在滬濱時二人曾同坐威林密輪船至金

陵觀察歿先生挽以聯云

舊夢怕重提海上同舟夜雨聯牀還似昨

微名慙偶合吳中懷刺一時驚坐更無

人

湯協揆文端之次子敏齋太常以咸豐庚申歲

疏陳時事與當軸者不合引退曲園先生挽

以聯云

頓失老成人憶咸豐季年闕下封章持正

論 重披世系表溯文端遺澤牀頭祖笏

付佳兒

曲園先生未通籍前館新安汪瘦梅水部家水

部從之遊嗣汪由孝廉服官因未成進士竟
鬱鬱卒於京邸弟及妻女奉靈輜歸中途殤

長女先生挽聯云

置身郎署十六年名心未死病骨遽銷孀
妻弱弟扶旅櫬而歸到此膝前止存孤女
回首新安廿二載館舍荒涼知交零落
感舊傷今向秋風一慟痛吾門下又失斯
人

又挽劉聽襄庶常聯

溯廿年前詞館清聲林下相逢尊老輩
憶四月中湖樓閒話秋來重到失良朋

又挽吳仲雲制府聯

樹滇黔數萬里外威名歸臥林泉一品門

古今聯語彙選二集 哀挽二

庭若寒素 溯翰苑十九科前老輩叨陪
杖履半年壇坫共湖山

沈韻初中翰病一載而歿其太夫人猶在堂生

平嗜書畫癖金石常以金石疑義質曲園先
生歿後先生挽以聯云

一載臥沈疴李賀牀頭呼阿嬾 十年問
奇字揚雲門下失侯芭

丁濂甫學使視學浙江招曲園先生及杜蓮衢

侍郎兩同年飲其署齋出所著蜀游草一卷

屬先生商定並贈以橫幅暨團扇未幾而歿
先生挽以聯云

小集三同年杯酒清談猶憶同商蜀游草
傷心一分手畫圖留贈不能再寫浙中

三

山

何子貞先生在史館曾建議脩三品以下列傳

卒不果行後居吳中刊大字本十三經注疏

手自讎校甫及半遽卒曲園先生挽之云

史館建嘉謨惜創議未行三品下庶僚至今無列傳 講堂刊定本柰校讐方半九

經中大義從此付何人

馮景庭宮允以庚子第二人及第遷中允後乞

歸潛心著述物望甚隆又善治生晚年以修

蘇州府志未竟而卒曲園先生挽以聯云

富貴壽考重以科名算海內知交都無此
福 儒林文苑兼之經濟歎吳中耆舊頓

失斯人

倪載軒觀察由縣令起家以道員候闕曾卜居

蘇州曲園先生爲題其舫齋曰小搖碧嗣又

擬疊石穿池未果而卒先生挽之云

卜宅闔閭城園林花木猶待評量遽歸海
上仙龕冷落空齋小搖碧 歷官觀察使
霖雨經綸未遑展布徒令吳中父老歎
遺受古龔黃

王補帆中丞爲曲園先生庚戌同年在京師二

人同官翰林晨夕往來無間又曾在吳中倡

酬和人字韻十餘疊俞遂以女妻其子後中

丞撫閩以辦理招墾事駐節臺灣甫還省垣

遽捐館舍先生挽之云

乘桴過斗六門邊瘴雨蠻煙不辭辛苦立

功在絕徼蓋視傳鄭尤難偉矣半載經營
盡闢天南生熟地 回頭思廿七年事敝
車羸馬時相過從同譜若弟兄遂訂朱陳
之好傷哉一朝訣別未完吳下倡酬篇

陳子舫太守候闕江蘇未補官而卒與曲園先

生之兄爲癸卯同年太守歿先生挽之云

二千石太守清貧雖負長才未施利器
三十載同年寥落旣傷老友更念先兄

吳桐雲觀察湖南沅陵人曾從戎幕有戰功後

爲曾文正調江蘇統帶輪船歿於滬濱其生

卒皆十二月八日曲園先生挽以聯云

仕宦本勞人況當陽九年戎馬軍中颺輪
海上 去來皆佛地兩逢臘八日西山毓

古今聯語彙選二集 哀挽二

秀申浦歸真

許信臣撫部之第五子季蓉明府官江蘇嘉定

縣卒於十二月二十日適值其父八旬壽辰

之前一年曲園先生挽之云

何準第五許慎無雙祝堂上八旬正擬椿
庭同舞綵 病共秋添算隨臘盡贖年前
三日不能花縣再頌春

濮少霞觀察官蜀最久曾管前後藏及拉里軍

糧府攝夷情章京督辦乍了夷務班禪喇嘛

錄爲弟子及卒曲園先生挽聯云

歷萬里以歸來巴蜀舊使君班禪大弟子
踰七旬而化去神仙蘇玉局兜率白香
山

五

江小雲觀察之父硯雲先生年至八十尙思游

京師其子諫阻乃率全家卜居於留下山中

及卒曲園先生挽之云

不輦轂卽林泉率全家入山必深知暮年

尙抱權奇氣 以考終完老福與令子論

交最久痛去歲同銜風木悲

高滋園都轉官浙最久曾權臬使解組後仍寓

杭州都轉歿曲園先生挽聯云

宦游兩浙幾及卅年從前憲府兼權棠蔭

尙留遺愛在 話別中庭未逾一月此後

湖樓重到柳陰少箇故人來

陸祁生大令挽莊伯鴻司馬聯

江淹賦別杜牧工愁讀北海論盛孝章書

早識斯人無永歲 春雨填詞秋燈校史

仿玉溪題李長吉集尙堪沒世有傳書

崔曼亭觀察挽錢竹初大令聯

是名士風流作畫裁詩自昔宦情原久淡

以宰官說法澣衣脫粟算來福命尙留

餘

山陰金子衡孝廉自都旋里沒於浙江途次周

昀叔都轉挽以聯云

溯我曹道義知交寥寥有幾方謂琴樽勝

侶長此盟心乃自聽歌驪遂傳賦鵬四十

年壯歲早聞君子碑成膾夜雨黃墟空餘

悲涕回憶金台槐夏鑑曲蕤秋某水某山

歷歷舊游今已矣 綜生平文章風節事

事可傳就令席帽窮年已堪搔首詎未停
征棹遽掩夷衾三百里回潮不送孝廉船
到痛白雲親舍望斷歸魂更看葛帔兒孤
練裙婦寡斯人斯疾茫茫天道竟何如

陸祁生先生挽嚴南伯聯

交君二十載文心賦手畫筆詩才若早貢
之玉堂奚止程春海許溟生祁春圃田季
高堪並駕 成書三百卷攷古徵今拾遺
補闕他日藏諸石室庶質諸方望溪劉海
峯江慎脩戴東原而無慚

陸彥蘇先生挽趙惠甫先生聯

畿輔岳牧海虞寓公綜平生政績文章循
吏儒林堪合傳 小築園亭婆娑風月數

古今聯語彙選二集 哀挽二

當代鉅卿碩彥盛名清福了無儔

又挽毛子效聯

落木動悲風三千里外兩遊子 青燈伴
黃卷七十年來一老儒

又挽潘吉甫聯

因果竟難憑更不信祖孫父子兩載偕亡
地下團圓多骨肉 塵漚原是夢且莫說
經濟文章平生蘊蓄人間憂患炙心肝

金粟香挽湯潤之封翁聯

近東坡故居明月相邀願長醉 繼南田
絕藝白雲回望悵遊仙

豪飲善畫近寓顧塘橋在白雲溪南

又挽沈蒙叔廣文聯

我歸黃葉村中幸兩地神交猶有新詩續

七

冰井 君住紅梨渡口愴一朝仙去難忘

舊約訪蒙廬

君寓盛澤一名紅梨渡柳如是舊居也刊有蒙廬詩草如

又挽管凌雲太守聯

閩海甘棠循吏傳 故鄉喬木世臣家

又挽趙劍秋封翁元直先生聯

風月婆娑塵海難羈鷗浩蕩 滄桑變易

鄉關無恙鶴歸來

又某君聯

先生是甌北家風福德宜逾小倉壽 令

子有穎濱才調勳名更慰老泉心

太倉錢伊臣先生晚號聽邪老人為敏肅公之子

牧深州六載多善政性剛介不能事上官尋乞

休去生平酷嗜金石書畫著有聽邪館雜文詩

存金石錄各四卷刊有聽邪館叢書廿餘種嘗

取生平諸所經歷命工繪七影圖辛亥政變避

地海上百憂來侵與騷壇諸老相唱和借酒杯

詩卷以陶寫鬱伊丁巳四月辭世年七十有四

常熟龐樹典挽以聯云

故家喬木感榮枯落日黯弇山身世滄涼

類圓照 異地芳尊雜醒醉清流悲復社

歌行激楚繼梅村

又華陽洪子靖聯

無涕淚避國破河山渡江多買豚肩四海

論詩書甲子 有酒杯澆胸中塊礪濁世

不如蟬蛻九原傾蓋想先公

又桐城吳師程聯

宦跡與摯老後先遺愛博陵同不朽 詩

稿承駿公宗派高風海上更無儔

又寧海章授聯

世臣家學成循吏 遺老詩懷式後人

又安吉吳昌碩聯

僊去薄桃源憑弔山河皋羽吟情晞短髮

道高存瓦甍摩挲甲子澄心雅製賸長

箋

又閩縣王仁東聯

餞歲啓芳筵嘯侶同斟除夕酒 徵詩編

遺老聯吟獨愛紀年賧

又石門沈醉愚聯

吳越世家合文苑儒林耆舊於一傳 弁

古今聯語彙選二集 哀挽二

婁間氣繼元馭天如遜之爲傳人

又上元宗舜年聯

是存素堂貽厥孫謀七影圖成鄭重庭聞

硯北志 歎老學庵晚逢厄運中原俶擾

悵懷家祭劍南詩

徐清惠守福建漳州時有政聲以丁內艱去官漳

之士紳挽以聯云

公今喪母離民去 民亦如公失母哀

番禺潘珏卿茂才光瀛工駢文著梧桐庭院詩詞

鈔已刊行其聯稿甚夥已囑令嗣蘭史國博哀

輯寄示茲錄其挽俞麟士廉詩聯云

曹部擢監司莫謂異材無達命 詩篇作

年譜卽論風雅壓羣公

長白寶竹坡侍郎耽詩嗜酒好山水遊嘗督學閩

中所至必搜奇選勝嗣以納江山船伎阿珠自

劾去官屏居貧乏處之泰然嘗裹糧入京東西

諸山著有偶齋詩艸卒後其門人侯官陳石遺

衍挽以聯云

品望邁冶亭鐵君年來藍田屏居夜半蒼

茫射猛虎 題詩徧戒壇盤谷他日平山

重過壁間飛動見龍蛇

吉曾父挽儀徵吳杏樓聯

同昌黎戊申博士三年盤藉不妨官獨冷

接淵明甲子遺民一集滄桑肯與劫俱

灰

先生曾官贛榆教諭生於戊申歲沒與淵明同年

李仲約學士文田挽吳碧山軍門聯

遺疏尙淋漓故老遺傳虛甲帳 忠魂休

悵望漢家終不棄珠崖

又挽潘槐史郎中聯

斯人未免有情歎文山聲伎逸少管絃同

時細語談心欲爲王郎歌斫地 到死何

能不恨任宋玉微辭東坡綺語此後莫須

犁舌定知靈運早生天

金仲和廣文秋試未入場而歿薛慰農挽聯云

早年誇江夏無雙那知冷宦青氈賣賦長

貧抱經終老 何日似方干贈第太息秋

風白下人來射策君去修文

長樂林錫三閣學天齡督學江蘇延陳傲夫孝廉

課其子未至而閣學歿孝廉挽以聯云

先皇尙北面尊師度在人亡倘朝端故笏
興思史館他年應補傳 長者以西賓遲
我情深緣淺悵江上扁舟相訪燈窗中夜
讀遺書

上聯謂閣學曾充宏德殿師傅也

某君挽黃漱蘭侍郎聯

風骨高騫爲朝端鳳露章騰劾爲殿上虎
迨投老江湖放懷詩酒又爲緱山孤鶴瀛
海閒鷗丹心報國鐵面鋤奸是先皇三百
年養士留貽無如宰相蔽賢忍使退居桑
梓地 築館選俊似阮芸臺燒車懲奴似
謝薌泉矧詞壇奉杖洛社圖形宛似籀石

古今聯語彙選二集 哀挽二

侍郎山舟學士天上騎箕人間絕筆痛令
子五千里奔喪擗踊共嘆直臣有後從今
廢讀蓼莪篇

閩縣王可莊脩撰仁堪視學山西其封翁歿於都

門脩撰聞訃凡五日奔一千一百里歸治其喪

屠伯熙侍讀挽聯云

太行匹馬奔喪五日而來有子如斯先生
不死 滄海橫流抗論千秋之上其人不
作吾輩焉依

陸鳳石挽鄒詠春太史聯

極樂國距九萬里而遙此中有乾淨土君
或先往 高義園纔七十日之別其言如
廣陵散我不復聞

十一

梁卓如挽李文忠聯

太息斯人去蕭條徐泗空莽莽長淮起陸
龍蛇安在也 回首山河非只有夕陽好
哀哀浩劫歸遼神鶴竟何之

大學堂全體挽張文襄聯

竭來爲國太憂勤龍馬精神千載少 此
去知公不寂寞夔皋輔弼九原多

又丁戊君聯

立學徧蜀粵楚吳刊書一萬卷 爲政繼

胡曾左李炳譽獨千秋

盛杏蓀宮保挽江建霞聯

感遇碎身公死在庚子前可矣 要終原
始黨獄請異世後論之

陳伯平挽長沙張文達百熙聯

三世紀羣交忽驚箕尾神歸聞笛山陽增
舊感 一時燕許望共惜斗杓光黯舉旂
太學有餘哀

又馮元鼎聯

適當爭競之秋平生無崖岸無模稜是大
臣有容德量 莫道事功未竟他日書同
文車同軌皆我公不死精神

又瞿鴻禨聯

忠勤匪懈或有激而言獨以積誠孚聖主
望實俱隆乃不竟其志我爲當世惜斯
人

又張亨嘉聯

論交未十年我見公晚治學無寸效我負
公深老去多傷棖觸情懷惟往事 有橫
車之志不握疆符有造辟之謀不預枚卜
時艱孔棘安危屬望更何人

又趙啓霖聯

宏獎見公之大汎愛或偶見公之疏脫去
叮哇歸磊落 熱心爲世所欽歎忱當亦
爲世所諒維艱時事有欵歎

瞿鴻禨相國會督學浙江汪頌閣先生與其兄穰

卿中翰皆曾受知民國七年四月相國歿於滬

先生挽以聯云

先兄由歲試受知小子由童試受知公誼
私情每繫兩重恩遇 平生早以清名著

古今聯語彙選二集 哀挽二

晚歲隱以高尚著孤忠大節蔚爲一代完
人

長洲葉菊裳昌熾以翰苑任甘肅學政辛亥後杜
門著書以名節自勵著書甚多其藏書紀事詩
等已見靈鷲閣叢書中又金石書多種劉怡雲
先生爲之刊行歿後吳瞿安挽以聯云

著述合集古金石而三海內於今幾亡者
氣節與皋羽所南無二吳中又弱一完
人

仁和葉槐生進士維幹積學善病著書未成研精
校勘博極羣書其同邑譚仲脩大令獻甚契之
槐生卒譚挽以聯云

朋好已晨星何當遂密商量與子論交尋

舊學 人生若朝露至竟功名幻景有才

無命誤登科

嘉定黃翰欽孝廉挽陸星農修撰聯

蘇內翰春夢一場薄宦衡湘回首觚稜經
卅載 謝太傅東山高臥屏除絲竹等身
鉛槧足千秋

隨州喻雲巖學博懋泰深於經術司鐸穀城與會

稽施望雲先生相得甚歡及沒遺命必以望雲

題銘旌望雲既哭以詩并撰挽聯云

欲追舊夢已依稀與君上下襄江短別十
年長別千古 不為交情方痛哭數我平
生老友經師易得人師難求

粵西多瘠郡若梧州平樂即為膏腴之地趙心梅

先生歷署茲缺清操久著同治庚午冬歿於石

江任王芷庭挽聯云

處膏腴而不肥君自計誠左矣 論蓋棺
然後定民到今猶稱之

包晉卿挽李聽松明經聯

老科目一官無老幕府一金無長此勞勞
空有文章安所用 為名士以客死為孝
子以毀死對茲曠曠欲回造化也徒然

朱槐青瀛儕孝廉工詞章而性嗜酒嘗納一姬旋

以他故遣令他去未及一載孝廉亦歸道山散

花魯君挽以聯云

晚年韻事類亭林獨惜興已闌珊青主箴
言不再見 此老胸中師白石都道花無

啼損小紅遺去有深心

盛公杏蓀之喪予爲某君代撰一聯云

功在國家晚近是非誰管得 秋深江浦

徘徊門館我何言

某君於盛氏有感誼其先世亦與之有舊此聯用意與前編所載南湖一聯用意差同而某君意似未以爲可恐以別解滋誤會予遂重撰一聯云荒

江落大星清秋笳吹動悲涕懷舊一回首累世因緣到不才某君閱之意始釋然

又沈瑜慶聯

捫蝨話酸辛煮酒英雄卿與桓温生並世

屠龍爛絕技趨庭賓客我知衛國自當年

又呂幼齡聯

政治名家實業專家慈善大家遠仿榮陽

梅福丹心猶昔九原爲我告先皇

年

又葉景葵聯

赴機之敏抱願之宏實業曙光公牖啓

循誘如師下交如友平生風義淚洑瀾

又汪文溥聯

國中有此大實業家綜平生黑白是非乃

與海外推崇不一致 地下若逢故李丞

相話人世玄黃翻覆應嘆當塗符讖失前

知

又趙炳麟聯

唐劉晏青史齊名一代計臣光奕世 漢

梅福丹心猶昔九原爲我告先皇

又呂幼齡聯

政治名家實業專家慈善大家遠仿榮陽

訂李贊皇遺書自有千秋堪定論 才拙
用我家貧知我體弱諒我近擬庸菴絃會
湘鄉幕府豈惟一慟為知音

又王仁東聯

識荆恨晚逢知己 蓄艾醫貧有个臣

又王潛聯

慧福梵天來夙因自類張文定 事功眞
宰靳生世不同劉士安

劉開生都轉博學精禪理人叩其學佛要旨曰惟

不動心而已壬午二月自泰西奉使歸尋歿其

友李芋仙士葵挽以聯云

漢宋學兼優及見嘉光諸老輩 去來心
不動已完佛祖大因緣

孟心史挽莊心安先生聯

示疾百餘日彌留尙不廢書墨妙貧來行
世遠 處膏四十年一寒無以為殮官清
身後有人知

康南海挽桂伯華聯

眞實心地刻苦工夫同門好學誰如汝
黨錮憂疑淨地超度無生獨證孰愁予

又陳三立聯

海水納鼻孔中生天已了尋師願 詩卷
作骨董具結習難磨照世痕

陳寶琛挽順德麥孺博孟華聯

濁世數完人黨錮逸民誰與並 百憂歸
一瞑罪言政論亦徒然